

仙在空中自南至北將逾千里湧出金城玉樓於山頂一人
招女升宮闕眾仙羅列儀仗肅然曰汝有骨錄當爲上真太
上命我授汝以靈寶真文按而行之飛升有期後果及期升
虛矣

棲崑洞室徐姑掘穴

傳記許棲崑舉進士第而志在修鍊時因入蜀登危棧忽與
馬俱墜棧下進退不能卽隨馬而行至一洞室見諸仙羅列
皆喜曰此乃長史公之孫也有仙相矣眾真命坐賜飲且曰
此石髓也汝得之矣無輸泄無荒淫後復來相見遂以所乘
之馬送行曰此吾洞中之龍也因責出負荷子有仙骨故得

道藏輯要

三洞羣仙錄

三

真集四

遇之若到人間放之任其所適後棲崑逡巡到故居而馬化
爲龍飛舉

廣記徐仙姑年數百歲而貌若二十許人多游名山或時止
宿於林巒窟穴之中往來江表吳人見之三四年顏色不
改行步如飛咸通間至剡縣謂人曰我先君住於北齊有陰
功而後及於我已得延年後人以此詳之方知姑卽丞相徐
之才之女也

德玄五嶽偉道九嶷

真誥東卿君云宋德玄周宣王時人也服靈飛六甲符得道
日行三千里變形易質今在嵩山游行五嶽